

Piginneqataassutit pisinnaatitsisut naatsorsorneri pillugit nalunaarut

Aningasanik ingerlataqarneq pillugu inatsimmi § 61, imm. 9, tak. inatsimmik nalunaarut nr. 897, 4. september 2008-meersoq, inatsisikkut nr. 133, 24. februar 2009-meersukkut allangortinneqartoq, aamma pappiaqqanik nalilinnik il.il. niuerneq pillugu inatsimmi § 10, imm. 9, tak. inatsimmik nalunaarut nr. 848, 19. august 2008-meersoq, inatsisikkut nr. 133, 24. februar 2009-meersukkut allangortinneqartoq, naapertorlugit, aalajangersarneqarpoq:

Atuuffia nassuiaatillu

§ 1. Nalunaarut una aningaasanik ingerlataqarneq pillugu inatsimmi § 61, imm. 1, aamma pappiaqqanik aningaasanik nalilinnik niuerneq il.il. inatsimmi § 10, imm. 1 naapertorlugit piginneqataassutit pisinnaatitsisut naatsorsornerini atornerqarpoq.

§ 2. Piginneqataassutini pisinnaatitsisuni paasineqarput aningaasaatit imaluunniit taasisinnaatitaanerit imaluunniit suliffeqarfimmi aqutsinermi annertuumik sunniuteqartitsinissamut periarfissiisut piginneqataassutit ikinnerpaamik toqqaannartumik imaluunniit toqqaannangitsumik 10 pct.-imik pigisaqarneq.

Imm. 2. Suliffeqarfimmi nakkutigineqartumi, ima paasineqassaaq suliffeqarfik sunaluunniit,

- 1) inuk imaluunniit inatsisitigut pisinnaatitaasoq pisussaataasorlu taasisinnaanermik periarfissanik amerlanerussuteqartoq,
- 2) inuk imaluunniit inatsisitigut pisinnaatitaasoq pisussaataasorlu allaffeqarfimmi, aqutsisuni imaluunniit nakkutilliisuni ilaasortanik amerlanerussuteqartunik toqqaasinnaatitaasoq imaluunniit soraarsitsisinnaasoq, peqatigisaanillu pineqartoq piginneqataalluni imaluunniit peqataalluni,
- 3) inuk imaluunniit inatsisitigut pisinnaatitaasoq pisussaataasorlu piginneqataalluni imaluunniit peqataalluni, pineqartorlu suliffeqarfimmi piginneqataasunik imaluunniit peqataasunik allanik isumaqatigiissuteqarnermigut piginneqataasut imaluunniit peqataasut taasisinnaatitaanerannik kisimiilluni amerlanerussuteqartunik nakkutilliisoq, imaluunniit
- 4) inuk imaluunniit inatsisitigut pisinnaatitaasoq pisussaataasorlu aalajangiisuulluni sunniuteqarnissamut imaluunniit nakkutilliinissamut pisinnaatitaaffeqartoq imaluunniit piviusumik oqartussaasoq.

Piginneqataassutit pisinnaatitsisut naatsorsorneri

§ 3. § 2 malillugu taasisinnaatitaanerit taasisinnaatitaanermut atasunut piginneqataassutit tamaasa tunngavigalugit naatsorsorneqassapput, aamma taakkuninnga ingerlatsisinnaaneq atorunnaarsinneqarpat.

Imm. 2. § 2 malillugu taasisinnaatitaanerit aamma aningaasaatitigut piginneqataassutit annertussusaannik naatsorsuinissaq siunertaralugu piginneqataasup pineqartup § 6-imi naatsorsorneqartut pissuseq ataaseq arlallilluunniit tunuliaqutaralugit ingerlanneqarsinnaasut taasisinnaatitaanerit ilanngunneqassapput.

Imm. 3. § 2, imm. 2-mi suliffeqarfik nakkutigineqartoq pillugu nassuiaatip atornerqarnerani taasinerit naligiinnerini aamma toqqaanermut soraarsitsinermullu atasumik pisinnaatitaaffinni pisinnaatitaaffiit inummit imaluunniit inatsisitigut pisinnaatitaasumit pisussaataasumillu, piginneqataasut sinnerlugit imaluunniit piginneqataasunit nakkutigineqartumik suliffeqarfik

sinnerlugu iliuuseqartut pisinnaatitaaffii ilanngunneqassapput, tassunga ilanngullugu tamanna nammineq atini tunngavigalugu pippat.

§ 4. Piginneqataassutinik pisinnaatitsisunik pissarsiassanik eqqarsaatigineqartunik Finanstilsynip akuersinissaa pillugu siumoortumik qinnuteqarnissamut pisussaaffik ukunani atorneqanngilaq

- 1) piginneqataassutit, ullut niuerfiusut pingasut iluanni akiligassanik isumannaajaaneq akiliinerlu siunertaralugu taamaallaat pissarsiarineqartut,
- 2) inissiisimasut, nammineq inissitaqarnermikkut piginneqataassuteqartut, taamatut inissiisimanerit, taamatut piginneqataassutinut atasut, allatatigut elektronikikkulluunniit ilitersuut malillugu, taasisinnaatitaappata, aamma
- 3) piginneqataassutinik pisinnaatitsisunik taakkuluunniit sinnerinik annertussuseqartunik annertunerusunik akiliisup pissarsinera imaluunniit tunisinera, tamanna akiliisumit iliuuserineqarpat, tak. imm. 2, una tunngavigalugu:
 - a) akiliisoq nammineq akisussaaffigisaminik iliuuseqarnissamut akuersissuteqarpat aamma
 - b) akiliisoq ingerlatseqatigiiffimmi pineqartumi aqutsisunut akuliutinngippat imaluunniit arlaannaatigut taamatut piginneqataassutinik pisinissamut imaluunniit piginneqataassutit naliisa qaffasissumiitinnissaannut ingerlatseqatigiiffimmut tatisimanninngippat.

Imm. 2. Akiliisoq imm. 1, nr. 3 malillugu ilaatinneqarusunngitsaq piaarnerpaamik kingusinnerpaamillu ullut niuerfiusut sisamat qaangiutsinnagit piginneqataassutinut aalajangersimasunut tunngasunik akiliisutut ingerlatassaminik akiliisoq eqqarsaateqartoq Finanstilsynimut nalunaaruteqassaaq. Piginneqataassutinut pineqartunut tunngasunik akiliisutut ingerlataminik ingerlatsinini akiliisoq unitsitsippat akiliisoq tamanna pillugu aamma Finanstilsynimut nalunaaruteqassaaq.

Imm. 3. Akiliisumi ima paasineqassaaq inuk, aningaasanik niuerfiusuni aamma ataavartumik tunngaveqartumik akit inuup nammineq aalajangersagai atorlugit nammineq aningaasaatini atorlugit pappiaqqanik aningaasanik nalilinnik pisinermigut tunisinermigullu nammineq akisussaaffigisaminik iliuuseqarusuttoq.

§ 5. Aningaaserivimmi, aningaasaateqarfinnut akunnermiliuttartuni, illuummik qularnaveeqqusiilluni taarsigassarsisitsisarfinni imaluunniit aningaasaliisarfinni niuernerminin uningasuuteqartoq taasisinnaatitaanerit nammineq uningasuutinik pigisanik naatsorsuinerminin ilanngunneqassanngillat uku atuunnerini

- 1) niuernerminin uningasuutini taasisinnaatitaanerit piginneqataassutit pisinnaatitsisut qaangersimanngippatigit, aamma
- 2) niuernerminin uningasuutini aningaasaatinut atasut taasisinnaatitaanerit ingerlatsiviup aqutsisuinut akuliussutaannginnissaat arlaannaatigulluunniit akuliunnerminin atunnginnissaat aningaaseriviup, aningaasaateqarfinnut akunnermiliuttartup, illuummik qularnaveeqqusiilluni taarsigassarsisitsisarfiup imaluunniit aningaasaliisarfiup qulakkiissavaa.

§ 6. Piginneqataassutinik pisinnaatitsisunik pissarsiassanik eqqarsaatigineqartunik Finanstilsynip akuersinissaa pillugu siumoortumik qinnuteqarnissamut pisussaaffik taamaaqataanik aamma inatsisitigut pisussaaffeqartunut pisinnaatitaasunullu taasisinnaatitaanernik pisinissamut, tunisinissamut atuinissamullu pisussaaffeqartunut atorneqarpoq, taakku

- 1) isumaqatigiissummut ilaanngitsumit pigineqarpata, ingerlatseqatigiiffiup pineqartup aqutsisuinut siunissamut ungasissumut ataatsimoorfiusumik politikkimik ingerlatsinissamut taasisinnaatitaanerminnik ataatsimoorfiusumik atorneqarneratigut peqataasunut pisussaaffiliisumik isumaqatigiissutigineqarsimasut inatsisitigut pisussaaffeqartunik pisinnaatitaaffeqartunillu,

- 2) illuanik akiliuteqartussaalluni taasisinnaatitaanerit pineqartut tunniukkallarnissai pillugit inatsisitigut pisussaaffeqartunik pisinnaatitaaffeqartunillu isumaqatigiissut naapertorlugu isumaqatigiissutip avataaniittumit pigineqartut,
- 3) inatsisitigut pisussaaffeqartumut pisinnaatitaasumullu qularnaveeqqusiussanut piginneqataassutinut atasut, inatsisitigut pisussaaffeqartoq pisinnaatitaasorlu taasisinnaatitaanernik aqutsisuuppat taakkulu atorneqarnissaanik siunertaqarnini nalunaarutigalugu,
- 4) piginneqataassutinut atasuulluni, taakkunani inatsisitigut pisinnaatitaasut imaluunniit pisussaataasut inuuneq naallugu iliuseqarfisinnaallugu,
- 5) nr. 1-4-mi taaneqartutut inummit pineqartumit nakkutigineqartumik suliffeqarfimmit pigineqartut imaluunniit atorneqarsinnaasut,
- 6) inatsisitigut pisussaaffeqartumi pisinnaatitaasumulluunniit toqqorneqartunut piginneqataassutinut atasut, taannalu nammineq missiliuinini naapertorlugu iliuseqarsinnaalluni, piginneqataasuniit immikkut ilitersuutinik peqanngippat,
- 7) inuk pineqartoq akisussaaffigisaqartoq sinnerlugu inummit allamit pigineqartut, imaluunniit
- 8) inuk pineqartoq piginnaatitaanikkut iliuseqarsinnaalluni, taannalu nammineq missiliuinini naapertorlugu iliuseqarsinnaalluni, piginneqataasuniit immikkut ilitersuutinik peqanngippat.

§ 7. Aningaasaliisarnermik ingerlatseqatigiiffimmut imaluunniit aqutsinermik ingerlatseqatigiiffimmut suliffeqarfik piginnittusoq aningaasaliisarnermik ingerlatseqatigiiffiup imaluunniit aqutsinermik ingerlatseqatigiiffiup ingerlataanik pigisanik §§ 3-6 malillugu pigisaminik ataatsimoortitsinissamat pisussaaffeqanngitsaq, taamatut aningaasaliisarnermik ingerlatseqatigiiffik imaluunniit aqutsinermik ingerlatseqatigiiffik suliffeqarfik piginnittoq apeqqutaatinnagu taasisinnaatitaanermik ingerlatsippat, aamma § 9-mi piumasagaatit naammassineqarsimappata.

Imm. 2. Imm. 1 apeqqutaatinnagu §§ 3-6 atorneqassapput, suliffeqarfik piginnittoq imaluunniit suliffeqarfik alla suliffeqarfimmit piginnittumit nakkutigineqartoq, imm. 1-imi taaneqartunit aningaasaliisarnermik ingerlatseqatigiiffimmit imaluunniit aqutsinermik ingerlatseqatigiiffimmit aqunneqartumit pigisanik aningaasaliisimappat, aamma pigisanut taamatut ittunut atasut taasisinnaatitaanernik ingerlatseqatigiiffik nammineq ingerlataqanngippat, taamaallaalli suliffeqarfimmit piginnittumiit imaluunniit suliffeqarfimmit piginnittumit nakkutigineqartumik suliffeqarfimmit allamit toqqaannartumik toqqaannangitsumilluunniit ilitersuunneqarnikkut taakku ingerlassinnaallugit.

§ 8. Aningaasaateqarfinnut akunnermiliuttartumut imaluunniit aningaasaliisarnermik ingerlatseqatigiiffimmut suliffeqarfik piginnittoq §§ 3-6 malillugit aningaasaateqarfinnut akunnermiliuttartup kiisalu aningaasaliisarnermik ingerlatseqatigiiffiup sullitaq ataaseq sinnerlugu aqutaanik pigisanik kattussinissamat pisussaaffeqanngilaq, § 9-mi piumasagaatit naammassineqarsimappata, aamma

- 1) aningaasaliisarnermik ingerlatseqatigiiffik imaluunniit aqutsinermik ingerlatseqatigiiffik suliassamik isumaginninnissamat akuersissuteqarpat,
- 2) allatatigut imaluunniit elektronikkikkut ilitersuutit malillugit piginneqataassutinut taamatut ittunut atasunik taasisinnaatitaanermik taamaallaat ingerlataqarsinnaasooq, imaluunniit ataasiakkaamut suliatigut isumaginninneq kiffartuussinernut allanut tamanut atatinnagu ingerlanissaanut tulluurtunik aqqissuussinernik eqqussisoqarneratigut isumagalugu aamma
- 3) aningaasaateqarfinnut akunnermiliuttartoq imaluunniit aningaasaliisarnermik ingerlatseqatigiiffik suliffeqarfik piginnittoq apeqqutaatinnagu taasisinnaatitaanernik ingerlataqarpoq.

Imm. 2. Imm. 1 apeqqutaatinnagu §§ 3-6 atorneqassapput, suliffeqarfik piginnittoq imaluunniit suliffeqarfik alla suliffeqarfimmit piginnittumit nakkutigineqartoq, imm. 1-imi taaneqartunit aningaasaliisarnermik ingerlatseqatigiiffimmit imaluunniit aqutsinermik ingerlatseqatigiiffimmit aqunneqartumit pigisanik aningaasaliisimappat, aamma pigisanut taamatut ittunut atasut

taasisinnaatitaanernik ingerlatseqatigiiffik nammineq ingerlataqanngippat, taamaallaalli suliffeqarfimmit piginnittumiit imaluunniit suliffeqarfimmit piginnittumit nakkutigineqartumik suliffeqarfimmit allamit toqqaannartumik toqqaannanngitsumilluunniit ilitersuunneqarnikkut taakku ingerlassinnaallugit.

§ 9. § 7, imm. 1 aamma § 8, imm. 1 malillugu pigisanik kattussinissamut ilaatitsinnginnermi suliffeqarfiup piginnittup piumasagaatit uku naammassissavai:

- 1) Suliffeqarfik piginnittoq ingerlatseqatigiiffimmit nakkutiginnittumit pigineqartunik taasisinnaatitaanerit ingerlanneqarnerinut toqqaannartumik toqqaannanngitsumilluunniit ilitersuinikkut allatigulluunniit akuliutissanngilaq.
- 2) Ingerlatseqatigiiffik nakkutiginnittoq killilersorneqarnani aamma suliffeqarfik piginnittoq apeqqutaatinnagu ingerlaturanut ingerlanneqartunut atasunik taasisinnaatitaanernik ingerlatsisinnaavoq.

Imm. 2. Suliffeqarfik piginnittoq, § 7, imm. 1 aamma § 8, imm. 1 malillugit kattussinissamut ilaanginnissamik kissaateqartoq ingerlaannartumik uku Finanstilsynimut nassiutissavai:

- 1) Taakkuninnga nakkutilliisunik oqartussat piginnaatitaasut allallugit suliffeqarfissuit aqqinik allattuiffik, imaluunniit taakkuninnga oqartussatut piginnaasut nakkutiginninnginneri pillugit paasissutissat, kisiannili § 1-imi taaneqartutut ingerlatseqatigiiffiit atulersitsisut allannagit.
- 2) § 7, imm. 1 imaluunniit § 8, imm. 1-imi taaneqartut ingerlatseqatigiiffiit ataasiakkaat tamaasa pillugit suliffeqarfiup piginnittup imm. 1-imi aalajangersarneqartunik piumasagaatinik naammassinninnera pillugu nalunaarut.

Imm. 3. Suliffeqarfik piginnittoq imm. 2, nr. 1-imi eqqaaneqartutut ingerlaavartumik allattuiffimmik nutarterisassaaq.

Imm. 4. Suliffeqarfik piginnittoq aningaasatigut sakkunut tunngasuni ilaatitsinnginnissat atorineqarnissaannit taamaallaat siunertaqarpat, imm. 2, nr. 1-imi taaneqartutut ingerlatseqatigiiffiup piginnittup allattuiffik kisiat nassiutissavaa.

Imm. 5. Imm. 1, nr. 1, § 7, imm. 2 aamma § 8, imm. 2 eqqarsaatigalugit ukunani ima paasineqassaaq:

- 1) »toqqaannartumik ilitersuut« ilitersuut sunaluunniit suliffeqarfimmit piginnittumit imaluunniit suliffeqarfimmit piginnittumit nakkutigineqartumit suliffeqarfimmit allamit ilitersuutaasoq sunaluunniit, tassani erseqqissarneqarluni § 7, imm. 1 imaluunniit § 8, imm. 1- imut ilaasoq ingerlatseqatigiiffiup immikkut pisuni taasisinnaatitaanini qanoq ingerlatissagaa.
- 2) »toqqaannanngitsumik ilitersuut« ilitersuut nalinginnaasoq imaluunniit immikkuullarissaq, ilusaa apeqqutaatinnagu, suliffeqarfimmit piginnittumi imaluunniit suliffeqarfimmit piginnittumit nakkutigineqartumit suliffeqarfimmit allamit ilitersuutaasoq, suliffeqarfimmi piginnittumi imaluunniit suliffeqarfimmit piginnittumit nakkutigineqartumi suliffeqarfimmi allami immikkut niuernikkut soqutigisanut iluaqusiinissamik siunertaqartumik taasisinnaatitaanermik ingerlataqarnissamik § 7, imm. 1 imaluunniit § 8, imm. 1- imut ilaasumut ingerlatseqatigiiffimmut iliuuseqarnissakkut kiffaanngissuseqarnermik killiliisoq.

Imm. 6. Suliffeqarfik piginnittoq, § 7, imm. 1 aamma § 8, imm. 1 malillugit kattunneqarnissamut ilaatinneqannginnissamik kissaateqartoq Finanstilsynimut uku uppersarsinnaassavai

- 1) suliffeqarfimmi piginnittumi imaluunniit ingerlatseqatigiiffimmi pigineqartumi ilitersuut pissutigalugu suliffeqarfik piginnittoq apeqqutaatinnagu taasisinnaatitaanernik ingerlataqarsinnaaneq,
- 2) inuit, taasisinnaatitaanerit qanoq ingerlanneqarnissaanik aalajangiisuusut, kiffaanngissuseqarlutik iliuuseqarsinnaasut, aamma
- 3) pisuni suliffeqarfik piginnittoq ingerlatseqatigiiffimmi pigineqartumi sullinneqartuulluni imaluunniit ingerlatseqatigiiffimmit pigineqartumit aqunneqartunik piginneqataassuteqartumi

suliffeqarfiup piginnittup aamma ingerlatseqatigiiffiup pigineqartup akornanni niuernikkut piunasaqaatit nalinginnaasut atorlugit erseqqissumik allanneqarsimasumik piginnaatitsisoqarluni.

Imm. 7. Imm. 6, nr. 1 eqqarsaatigalugu suleriaatsit allanneqarsimanissaat minnerpaamik piunasaqarpoq, suliffeqarfiup piginnittup aamma ingerlatseqatigiiffiup pigineqartup akornanni paasissutissanik siaruaassinerup pinngitsoortinnissaa siunertaralugu ilusilerneqarsimasut.

Atuutilerfia

§ 10. Nalunaarut ulloq 1. januar 2016-imi atuutilerpoq.

Finanstilsyni, ulloq 3. april 2009

PETER SYLVEST LARSEN

/ Mark Andrew Rønnenfelt